

小木子詩三刻

侯寧居偶詠卷下

秀水 朱休度 介裴

甲子元日題侯寧居壁

又老一年人已交七日春窗梅先坼甲盤菜剩含辛形影空  
相對雨風巨耐頻春花愁杌冷更切病餘身

頃以冬溫菜豆麥並  
長發不禁春凍也

續斷研歌

此研曾侍徵君張惕齋先生之書巢朝夕磨墨濡毫以注周  
易三百八十四爻積四十冊堆案高爾時度年及冠實親炙  
先生教奈山頽而木壞覩此訣離能勿心煎熬是用流涕收  
拾兢兢續以膠自今苟完矣後笑償先號君不聞人面獺痕  
補琴尾蛇跗焦愛者彌覺好寧畏人譏朝嗟此斷紋研吾欲  
比球刀中元甲子訖重起元之交朔日辛卯詩詩以示兒曹

又續斷研歌 有引

或鉏於田得宋宮澄泥研脩七寸廣四寸厚二寸有半額篆  
瀾雲繡潤四字背凹刻云同知樞密院事臣張洎奉勅監造  
至道乙未歲三月上澣製余惜其斷也續而完之因歌之  
嗟江南臣臣不終洵絳州土進汴宮至道至靖康曾幾何時  
南渡匆匆尚不捨此一塊土携至臨安供御與初同想當德  
祐丙子更匆匆委諸草莽直至鉏出世於今乾隆鉏兮鉏兮  
何無情擊研斷研兮研兮吾今續汝苟完汝無怨猶勝檢點  
山河落其半

哭吳侃牀

也知同病不禁秋豈意先凋甲未週顧我枯如塞北草思君  
靜似海東鷗修名竟遣青衫老獨學翻悲白髮留愁煞後來

承讀者古文奇字向誰諏

海昌查梅史寄示詩稿於磊砢英多中能時出清新好  
語如珠落落布行間絕可愛乃辱見懷作有論詩與  
俗殊之句又云竹垞家法在應許問津無何其抑然  
也不辭朽拙却簡一首

絕倒詞場千里駒敢云老馬必知途支離負疾為人棄慙媿  
論詩與俗殊此事先公

昭代擅當中表盛名俱擇其尤雅歸於潔嘗以貪多未可  
誣初白一心置平易成丹九轉見工夫家雞野鷺休分別舊  
列清規勉共趨

雨夜

荒荒舊念夢如灰夢境已沉鈴響哀偏恨壁燈照無寐少年

甘苦上心來

休要

休要栽花枉自忙根株第一怕蟲傷天桃生性已輕薄惡雨斜風又可防

正月二十四日甲寅枕上得二詩驚蟄前一

頗思換甲晴果見洗窗明半月花粘死連宵燈翳生聞雞真

欲舞嗔鵲不先鳴差覺蘇脾疾加餐勉自撐余每以陰雨阻食

昨宵見雪徵見雪面晴未諺也幾次發雷曾明日纔交節潛陽太早升

南榮書得曬北戶水方增灣柳青初動振衣我欲興

題丁小鶴藝蘭圖即送入都應秋試

騷人吾臭味獨抱不言芳寂寂空山步長鑱託興長圖中不設盆蓋荷一鏡獨

步山蹊間而已春風話將別秋佩意難忘預想看花日名聞滿國香

甲子晴二首

簷風夜斷牛毛雨，缸水曉凝雞脚冰。無復冥冥愁杜老，春收

約畧幾分憑。

冥冥甲子雨，少陵句也。

林煙楚楚草泥清，早有鶉鴒竹裏鳴。亟遣小童挑野菜，厨娘

索待作羹羹。

去聲。

小園

經時不問小園來，辜負春風次第催。晴雪一堆高出屋，鄰人  
早報玉蘭開。

清明

冷節迷人風雨昏，魂歸何處認家門。夜寒梵唄聲淒緊，燭影  
搖搖上紙幡。

久不踰戶限，連朝泛舟郭外口占四首。

菜花麥秀爛春晴岸岸風桃水柳清  
蟄過一冬如一世轉頭

忽覺是來生

羅隱樂府詩春夏作頭秋冬為尾

聲聲笛聲來往頻大家上塚各嬉春  
衣香鬢影嬖現話滿載

春風滿載人

載詩在

一灣三塔轉帆斜燒普門香人語  
譁家惹兒童歡喜買泥孩  
綃佛像生花

水快晴湖風快堤小舟擺渡散鳬  
鷺一年僥倖來天上未要  
遮人煙雨低

詠泥貓

佳人攪夢夜來愁誰管跳梁應汝  
尤偏許朝朝躡玉鏡雙睛  
不轉看梳頭

為比鄰陳玉聲秀才題花嶼讀書圖

東郭先生種花樂西鄰名士讀書清老夫卧聽獵心喜也起  
呼兒理短檠

上塚六首

南湖如鏡巽潏洄浩浩錢溪西北來中有吾家發祥塚江東

一卦妙安排

先文恪公有南湖阡表為始遷祖以下四世墓作

宣家橋北港通流少保墳前碧草幽可奈天生元武脉盲師

偏作紫薇收

先贈少保公墓

錢溪左落范灘長舊墓新松活樂行往事痛癢辛丑夏海風

輒倒墓門坊

先尚書公墓

先王考墓樹茸茸雞脚浜南馬鬣封三歲孫雛今杖國渺然

何處緬音容

度以壬子冬生甲寅春王父見背

城南三里水雲區辛苦銜泥口卒瘡烏木橋陰波月冷松楸



不住夜啼烏

巨門凹體穴中央穴後如裊玉水方更結荷包池樣小年年

秋露采菱香

先君子墓在烏木橋北坐石頭池池形如矩別綴小池形如荷包蓋零神也其水潔而重近村縹緲者輒取焉

追詠古蹟雜體詩三十四首

有引

舊踪所歷或有詩遺彙或未定彙或得句未成篇者病間仰枕以思聊補述如左

### 太皞陵

庀鑿乾坤定文觀鳥獸徵歲餘三十萬封樹先橋陵市尚婆

娑出

陵下至今每歲三月四方民為市猶陳俗也

陂餘蕓蕓升短著產蔓古第一域中憑

軒轅鑄鼎原

在閬鄉縣南有唐王顏撰銘東滋籍書碑

無端齒岸覆鐘然誰記鴻濛鑄鼎年鰲戴一峯圓拔地螺盤千仞曲通天瑞圖太乙神虛仰殘碣貞元字剩鐫倚杖當空

永壽

驅馬梁山過一鞭宿縣樓川原古豳國風雪小涼州暖類故人酒頓塵客子裘廿年橫草烈淒淒斷海雲秋

余以丙戌九月過縣縣宰為同年孫君景燧孫

後以丁未正月殉臺灣之亂故感及之

淳化二首

猶記西征冬日佳細緣危徑曲盤蝸水濱木末真如畫人語

雞聲隔一崖

少陵註征詩所云郊入地底蓋即今淳化九條溝也

觀厥流泉度夕陽幽居經始用心長九條溝脉蓮花瓣未有岐豐早發祥

剡溪曲五首

在嵊時作

剡溪水滿鳴急湍剡溪水淺閣舟看下水船過曹娥廟上水船到鹿胎山

溪深深處勢洄洄山脚層層鑿石苔聞說釣魚潭七丈潭魚  
時有上鉤來

雨來赤脚船子謳雨過船娘上柁樓斜日紅歌半帆面平雲  
青閣數峯頭

一川晴渌散瑤光平底船移放繹長紅葉稠時山色喜白鷗  
眠處草情芳

嶧浦山頭嵐翠肥嶧浦山下清且漪此地漁樵多火伴結茅  
何日許同歸

### 攝山六韻

雲山尋畫入風節仰碑高

謂明徵君

翠洞留千佛蒼松認六朝泉

幽分鹿枕竹碧上僧袍霜磬聞猶隔煙巢迷更遭石翻崖背

浪峯瞰海門濤借詠澄江句起予夢想勞

已卯遊攝山有五言古詩十  
二首棄久佚廢欲補詩而未

能頂開吳子脩樓實作有蒼松認六朝句人稱其佳遂借用  
五字追擬成此愧不能狀山靈之美富寄示子脩勿駭也

釣突泉六韻 丙申作

地勢窪常聚土膚淺易開狀流多感沸噴沫更濺洄春濺三  
堆雪冬殷百里雷聲聞能自達機械費人猜酈注稱名始殷  
經借巧來鵲華秋色近燕爽坐悠哉

七里瀧釣臺下作 壬寅赴婺州始經此

畫眉聲裏轉征帆獨石臺危古樹攬此地淳家饒口計先生  
宿世薄頭銜星垣無職孤名客江水幾時避姓嚴嚴非子陵姓也  
陵所居故山與瀧皆以姓名之誤矣後十九泉亭一烹茗滿身雲氣翠黏  
逸名州曰嚴吏無謂辨見螢雪齋說

衫

瀧裏口號云無風七里有風七十里戲題惱舟子 甲辰

阻風

七里瀧去灣後來灣無風一枕灣灣順有風來去之船各有  
逆風灘篙篙不得上三老愁滿顏豈知乘船客意乃顛倒顛  
碁敗尚可喜舟阻彌欣然順風坐惜峯巒過却願逆風飽看  
山

西湖竹枝詞

踏青嬾去踏西湖絮亂花飄夢有無怕問橋名郎信斷愁看  
山影妾身孤

舊集數首失記矣故人吳  
澹川刻賞此三四獨存之

杭州岳墳

酒飛不洒黃龍府濤怒空翻白馬江一片明湖風雨夜鬼啼  
長咽鐵人腔

湯陰岳祠

故國山河朔雁飄千秋魂魄若為招太平文武官多少下拜

靈旗影動搖

出古北口馬上占進退格已酉

萬里長城東北陞連雲列格備邊雄前朝武衛武寧置  
今代重熙重譯宗

帝輦經臨門戶近諸藩趨謁就瞻同騰騰水脉南流遠只為  
神京左挾龍

井陘題店壁已酉

自隳長城李左車宋襄故智可憐渠請看更畫燕齊策國手  
何曾一着輸

過固關作

我行固關道知是故井陘連山中絕陘以名名之所立符真  
形此間正當絕處一弄狹深兩壁懸削天生成入之無一見

惟見天闊青一弄彎彎引一軌東西不得直過鞭聞聲維陘  
之隘不可以安生想當置縣遂於陘東以外度地營遂號井  
陘縣境內山川宜舉為縣名其實縣處非險要不似關溝阻  
絕阨塞爭穰穰往來子誰知古陘在此不在彼嗚呼王公設  
險本為禦今名雖好豈如故井陘昧其錐指處一字之贅贅  
曰固

北嶽懸空寺

庚戌

空峪吞風急懸崖置屋牢延緣蝸附壁支柱鳥營巢雲卧初  
無地品栖復異陶上方真出世徑擬學禪逃

演五雜組三首

五雜組颺繡袂往復還秋千戲不得已倦擁髻  
五雜組綵繩長往復還媒妁忙不得已褌襪郎

五雜組織錦詩往復還鴻雁期不得已長相思

演勸農一首題倪君春及圖

春至天不言脉脉風從東東方轉生氣萬物散其蒙土膏含  
始動有覺先蟄蟲民生肇穡事于耜詒幽風西疇莒葉綠東  
臯杏花紅農期徵物候率作靡不同古人悲艱難力耕勿貸  
躬汲汲抱甕叟孳孳植杖翁南村有秫田漉酒庶自供余亦  
扁舟歸荷鉏愧學農三復伐檀詩素食鮮可終後生不昏勞  
學也餒在中智者急當務歎君識所宗

竟體入南村之室  
起尤起絕鴻注

演四時歌四首

姍姍含笑下來遲依約扶闌檢舊枝多事春風吹夢散鶯花  
瘦盡沒人知

三醉芙蓉並蒂蓮去年花死在人先誰云草木無知物只是



當時已惘然

雨打芭蕉入破聲衣裳顛倒在箱盛忍吟宋玉悲秋句絡緯啼時無婦驚

寂無聲夜手中冰剩有燈前不語僧窓掩梅花爐掩火冷看獨影當賓朋

四月八日席上和入白芍藥作

已過婪尾春無迹乍可遨頭夏又臨佛與毫光開淨相玉生溫氣散芳襟繁華早斷揚州夢綽約猶供謝客吟留照鬢絲休折贈年衰怕動別離心

豈意

豈意封邱縣神功不日成聚沙驅萬鬼制溜捷三更

帝敕通於穆

天昭荅

至誠燕南連豫北衽席與波平

紀周將軍墓事

將軍墓寧武城南路墓荒路斷水齧之漂落無人憂大樹胡  
來虎風黑發雷砰訇一夜撼城城裂聲似聞將軍壓陣麾甲  
兵萬人奮臂一呼起崔錯雜市紛移營騰騰沓沓鋒先爭金  
鐵挺門塵三軍又如千林百谷秋嘯生倏兮忽兮焮然而轟  
灘奔溜急聲放乎東溟時復隱隱隆隆殷殷麟麟若大力者  
負壑舟而興他他藉藉邪許齊賡若萬杵彭魄以填坑天動  
地吸為不寧俄而大聲小聲乍顯乍沉揚揚抑抑忽咽以迸  
撒沙如雪瑟瑟屑屑乎窗櫺其將罷也殘燐幾點閃散幽熒  
宵乎惕息愁冥冥雄雞一聲東方明東方明天晶晶城南行

者人人驚將望墓無恙墓草故青青突然山從天上落居然  
水改山外行山橫案兮端而平水順軌兮濯其清怪事聞上  
下大吏乃飭有司脩飾祠墓新乃自太原出塞虔舉裡謂農中丞  
乾隆歲作噩我到雲中聞數年前事赫赫云嗚呼將軍大丈  
夫精達帝載通苞符宜乎驅走百靈惟命趨下士駭笑蒼蠅  
如豈知大造陰吸陽嘘移山鞭石無所無鬼神之德盛矣乎

古瓦當研辭有引

近吳越士大夫入秦中爭掘地得秦漢瓦當甚夥悉斷為研  
好奇者且摹其文考注其來厯累數十聯印之列為屏幃此  
向來妮古家所未有也余曾弄其一文曰長生無極携至三  
雲為同官蘇明府乞去蘇滇人俾持歸誇耀于六詔間亦佳  
話耳今春燕兒復購其一文曰高安萬世解者云是漢瓦試

以墨若膏塗釜然愛而題此且以勗兒云

玉琴無弦可更施玉卮無當焉用之屋毀千年瓦登几瓦身  
剥矣獨存底到底不壞真良材土苴聲價青瓊瑰顛顛劉蹶  
凡幾劫石爛山枯灰一鋪艱哉履幽貞自操木之朽乃不可  
雕

蠶開門行

做天難做四月天豆要溫和麥要寒秧要日曬麻要雨看蠶  
娘子又要無雨不晴天此是禾中諺農家兒女脫口傳今年  
雨多菜爛死桑葉薄於紙不穀蠶喫蠶待僵死嗟貧農走皇  
皇揭火債買葉葉價昂朝昂暮昂一箇論錢三陌四陌人周  
章買葉船疾如風衝突西東到家蠶娘急忙急捋葉拍出血  
可憐飢蠶欲僵不僵將就作繭投釜湯蠶開門聲啞啞蠶娘

方縲絲伸手縮脚髮亂如麻債主到敲絲車筭來不穀償蠶娘目瞪口咨嗟夫乃告債主且勿懊惱明當入城有女賣女無女賣兒得錢便相了債主去蠶娘哭人無語雞膈膊

遣龍詞 有引

農人以五月二十號分龍日因號二十三日四日之雨曰回龍雨其占歲無禾頃自二十二日庚戌斷梅次日連雨竟三晝夜檐瀑如瀉河之水漫岸上堂下之水漫堂上人作禽言情急了作遣龍詞

夜夜懸懸聽滔滔滾滾吹梅長噴不了 今年梅候應十八日俗號雙梅盡雨過庚也 秧短

插何時飽看浮天水飢將蹲地兒乖龍漫游戲海近速接之

丁子復云序義簡古如元次山

記水

乾隆壬午秋大水今年水頭過尺半夏至以後小暑前楊柳灣東水鋪岸吾廬沉竈區區耳千萬圍田如甕灌雨中淋漓倒踏車踏水不出羣呼邪圍內釜底圍外高圍上加圍堵不牢一片蛤聲騰海潮

小暑後又記

大田已成壑小暑又翻雷慘慘午陰合搖搖子堰開白波人偶立黑夜海陸來拚救曾何補民勞亦可哀

中秋夜泛瀧湖

秋湖涼入水晶宮荷葉菱花細細風明月笙歌畫樓下繁星燈火綠陰中人貪遊冶常忘耗歲際艱虞幸轉豐歡咲聲多疇復省叫雲野外有孤鴻

小暑送雲陸庶常還館三首

正是橙黃橘綠時如何却犯北風馳故鄉米貴長安易月俸  
支來且舉炊

文章有神詩有律剪綵塗脂巧亂真漫道阿膠難去濁於今  
風雅要扶輪

老夫已度黃楊厄白髮番番眼尚青春柳長時春夢短暮雲  
盼斷落帆亭

雲陸擬於散館後請假南旋

嘉平月為張母壽

當年思曼儼風流舊話吳興善相攸

謂沈德中文謙張少梁明府于童塾中

賓禮終身

如冀缺人言滿口叢孫謀

括嗣文學汝植有孝行

頭籌甲子今更始奕葉

丁男世作求想見雲旗翻畫下玉梅香動玉尊浮

讀易二首

乙丑

維天健於行日月星辰繫四時行如馬五氣行乎地妙合二

五精運行惟一氣行行復行行萬萬古不墜水哉乎水哉不  
舍晝夜逝乾坤之端倪聖人所舉示語大莫能載負天鵬背  
勢語小莫能破蚊睫螟巢寄鬼神不可遺體物隱於費無息  
體天行夫惟誠之至可以孚豚魚可以察天地

先聖所謂道一陰一陽耳大原二生三三生萬為委冬窮春  
自来貞下元自起氣本無絕續位則有終始其間繼之者易  
云善而已善於類為陽無陽陰莫紀氣有生血功血無生氣  
理元善德之長春生端之履此善成乎性道心惟微是言性  
徒紛如言亦各有以若由近及遠實惟習之累乃言乎恒性  
秉彛無不美仲虺一恒字千古性宗自孔云繼者善孟以四  
端指有端斯有繼先後聖一揆知性則知天疑孟虵蟬爾

前歲於湘湖僧舍移種牡丹一本雨後放千葉紫艷甚



兒輩請余扶病出觀適錢寶甫偕吳子修丁純之來而吳門祝樸如不約至寶甫念余沉頓替余治具花前劇談取快醉後漫成為謝且自嘲也

三歲移花綻一枝新晴舊雨適來時寒龜出曝吾猶病風蝶相遊兒共嬉老引童心興未減客持主盞醉何辭揜頤小睡伸眉笑燭跋人歸竟不知

余打盹伴伴去

次日樸如招子修以行用前韻送之

共載平江櫓一枝客先春去正芳時花飛草長人無賴燕乳鳩鳴物自嬉說着將離魂欲赴料難乘興約須辭謝階爛漫題襟處念我幽居早寄

樸如園中芍藥連畦屢知約往觀以病不果起

錢寶甫以札送和篇來論及詩格疊前韻荅之

老樹著花終醜枝芳華凋謝早違時醫良難救七年病春晚

且偷半日嬉漫與詩篇從所好苦無根柢達其辭少陵家事  
惟君勉替得風流海內知

采蓴曲二首

采蓴蓴絲滑牽來脫手去蓴滑猶自可郎心捉不住  
畝水作羹湯敢郎以酒酌但願如蓴膩不願如水薄

書蠶事

春暖陽早洩春寒雨轉絲暖催易蠕動寒壓候更愆蠶生不  
待浴蠶死不待眠死多活者少登簇期後先游雷輒驚之宛  
頸簇上懸立而視其死夫婦相覲憐舉而委之壑哭若兒女  
然去年桑葉貴一擔二三千今年陌上桑青青養樹頭將葉  
無羊餵餵人不下咽紛紛鬻蠶具那復計明年

病起雜詠十二首

檢書

亂帙堆如葉滿床  
徽作花檢來闕多卷  
借去忘誰家拾草蒙  
猶困銜薑老自嗟  
他時盡檢賣彌愧百城誇

改詩

舊詩湏拆補一字忽逢奇塗或蛟蛇  
黑押愁砥柱移還防流俗愛要起古人知  
苦我杜陵叟長吟改罷時

試筆

多年不仁手近亦勉臨池氣攝無言候  
神全足睡時未啗鉤鎖體余作字多顛勢友人輒稱金鈎鎖體以相謔也帶折波姿始信木雞養為功勝却醫

談命

老去多憂懼聊叅珞琭言觀生修以俟  
譬死順其存偶測漸窺管相咨輒叩門  
陰陽有常變教覓瞽師論

玩占

五運推岐伯天門地戶分六壬從此演萬變極其紛爛鼻翁  
安在白頭道未聞占來空自玩一炷對鑪雲

朱爛鼻後不知所終載郡志方伎傳  
壬學窮年莫殫故世有壬白頭之語

吾宗有術者英武先生  
精于過決事如神人呼

評地

審形都應象辨氣細於絲心識觀支訣力慳濟勝資真書無  
隱語大地是明師期與景鸞子死前快論之

約吳  
榕園

謝客

亦知疎客甚偏怯病餘身蟄啓仍依穴蠶眠常畏人未嫌裙  
染墨敢以扇鄣塵倘欲商文字來朝不厭頻

抱孫

幼女孫多慧老妻故後生人云肖王母活脫畫雙睛向我投

懷喜教伊與語清飴甘祇餘苦含却不勝情

補竹

不見此君久年年夢綠陰數逢前度却歲癸丑庭竹為大風所拔友具後凋心  
秋雨鴉鉏把春泥犢角尋拂雲如可待咒筍速成林

酌花

解事小僧伽幽栖水一涯歲分黃菊種遠致白藤花秋去烟  
波冷春來訊問賒湖蘋香可採須約片帆斜僧黃在相湖濱

賒藥

無價遼蓀貴高麗通販便余近眼高麗參頗效配成補中劑叅以養榮煎  
赴壑蛇難拔遮風燭或然漫愁償藥券且待賣文錢

索茗

寄語東床客今吾食稍加春寒曾戒茗病退更思茶已宿范

湖水待烹願渚芽不論杭與越隨便買山家

曹甥遊吳越間歲致山茗供余飲今將罄矣

### 張村未解元屬題所藏時大彬漢方壺二首

可惜儋州禿髮翁買田陽羨話成空此山寶氣夜誰識厥土精英吉在中便有陶人千手搢徒傳旒事一時工粗泥細做矜為秘不藉范模自効功

一時諷大彬也見周伯高陽羨名壺系

銅腥鐵澀不宜泉此物坡公見亦憐學士石鈇同鄭重解元瓦注要矜全漫蝨聲價雷鳴賤閒試槍棋雨摘鮮沸雪僧廬

訪君去他時

一借問茶禪

君都太平菴有沸雪軒載湯齋縣志

### 琴魚二首答祝明府

有引

祝樸如涇縣長也頃以縣所產琴魚腊見貽言魚出琴溪琴高釣臺下平時不經見逢上已則濟濟來相傳乘鯉仙去時棄丹鼎之餘於溪而化其狀龍首鷺目翠光銀鱗長不滿二

寸而肥澤多子味美無腥其腊可以佐茗飲土人甚矜之敢  
乞詩寵焉題曰

琴溪三月水初肥魚聽琴聲上釣磯道是仙家三疊弄誰知  
仙令五絃揮

桐江曾喫子陵魚溪味江鮮約畧如縱說櫻桃湖白小曾腥  
猶帶晚風餘

六月十八早起觀庭荷

荷珠圓似淚珠堆誰道荷花稱意開月曉風清空墮水凌波  
羅襪不曾來

口號索曼卿寫生

新愈病人愛晚姿白秋海棠黃秋葵小庭幽意誰傳得要情  
風流小筆為

戴嵩黑牛歌有引

吾里錢少宗伯擇石先生所藏文孫順甫文學屬題演圖景  
為此歌若先生自跋中考論云云茲不贅也

短短草兮淺淺流牛何閒兮耕幸休飲流鬻草兮徐轉頭豪  
筋鐵色兮角蚴蟉一犢尾兮方咻咻毳茸茸兮黑油油必逢  
古夏兮色選尤豈畫師不尚白不尚騂而獨此尚兮此材今  
誰收一童跨兮穩於輶背吹笛兮聲欲浮仰柳梢兮風修修  
牛則喫兮童則謳各自在兮悠悠牛不知背上有童兮童不  
知坐下有牛君家詩人兮耕海陬莫教賺此黑牡丹兮牽以  
鞦用石屏牛  
圖詩意借我騎兮逍遙遊卧看山兮樂何求

姑嫂餅

當湖賣餅  
家擅此名

姑言爾裹餠嫂言爾翻餠翻餠須手快莫似婆餅焦嫂言今



年麵貴餅小小如錢客莫嘲姑則言但不妨明年麥熟價不  
昂又要海上平海船來買得賤糖與郎大大作餅包多着糖  
糝以掛鹽與郎嘗敬郎滿口香

頃夏守白於秋夜夢有西極僧號性空贈一笺上題王  
巉秋雲妙香真侶八字將倩人繪一圖索余先題絕  
句誌其異

前因曾宿贊公房自悟心清聞妙香秋夢重尋水精域山如  
羣玉盡雲光

九秋同人送亡友種梅翁祠作

生別過江今五年

辛酉春君  
曾給假歸

雲踪早賦小遊仙新詩商榷虛知

已舊雨凋疎落贈篇

兩辰春君赴山陰學博時請郡交遊拈越中古蹟分題各  
賦五言古詩一首贈行凡數十家刻有舊雨贈言一帙鳴

咽春波流夜月淒涼秋菊薦寒泉鄭虔三絕人評叶文苑應

勞青史傳

觀虞永興廟堂碑淡墨搨善本喜而有作

會稽七葉為沙門鐵門長老黃門昆甕中有筆家法存如鐵  
絲裏如金渾誰歟衣鉢傳真源永興弟子沿承欣直欲竊拊  
以手捫仰窺義獻披其藩廟堂碑石開璵璠臣秘監書颺彤  
軒貞觀天子殊錫蕃一方古玉黃粟溫物以人珍題右軍榮  
於瑪瑙盤拜恩當年赫蹠椎拓喧園橋填溢人騎奔好事難  
全遭劫翻尤物易化流烟昏唐祚未衰此石淪悲同埋帖昭  
陵園乃有異代瑯琊孫重鈞翠墨鐫翠珉如印印泥無溢痕  
虎賁猶以中郎論惜哉俗搨和碑塵濃煤麤紙塗紛紛譬言西  
子蒙不潔究何手精摹蟬翼紋皎然星列清人魂本師指訣  
追千文中邊毫力神妙臻秋鷹翹臂筋屈伸妍葩含乳姿吐

吞蛛絲晴拂窓几暄午風茶熟香溫磨細看畫腹嗟何言

題鮮于伯機為文子方作秋江獨釣圖有引

圖有困學民自題一絕及趙子昂張翥鄧文原周伯溫俞和  
張德玉趙期頤宋克及可翁姓不著九家題句並佳鄧文肅詩  
云曾將直筆犯龍顏今日歸來鬢已斑要識此心何所似白  
雲明月在青山則子方曾有建白非碌碌比故諸公咸以詩  
寵其歸而困學畫不多作此幅意甚自矜鷗波王孫稱其天  
姿超邁深知畫家法蓋元畫家之以少為貴者阿廉其善弄  
之

江淨秋閒釣石孤蕭疎墨法亞倪迂十年着我五湖夢夢斷

前灘聽雪廬虞家放雅洲  
舊有聽雪閣

雨夜即事愴書二絕

送將虛位上祠櫟風雨聲中梵鉢敲裂却總帷焚却紙更無  
一飯設明朝

虛堂寒燭淚成灰殘雨荒雞聲已催遺挂伴人今不見夢中  
更起別離哀

冬夜同人題胥山樵壺中桃花歌

樵自作五言古詩一首書于扇  
款云仲舒兄以乙酉冬惠余佳

酒酒盡索壺壺氣為游兵所擊作此報  
之以發一笑易菴項聖謨寫并題

問誰補此碎甕碎補鍋匠死已無速畫出小圓訝瓦全疑有  
甕雞天下在可憐夜倒竹葉空忽驚冬發桃花紅桃花氣暖  
眼自醉醉裏魯騰同酒功以酒為贈花為報直欲相從床無  
覺醉鄉千日身可遺花源幾世人不到一枝染出武陵霞未  
碍酒徒卧看花溪種桃兮海種桑鼎且沉兮甕何傷休詫魚  
羊逢乙酉趙家破罐堆成阜為問嵒山拾瓦童畫桃乾癯幾

春風

瓶山頊所居山為宋時酒務棄土所積

仙室月伴言卷下

三

子修以西湖買月圖索詩戲題惱之

明月無私照明湖無主家閒田誰出售誑語徒相誇乃知世間幻想非非起由貪所生癡所使詩人徇名如徇財不據為有心不死遂以數首清苦吟操作左券一張紙題詩諸家列居間巧語強詞證其詭公然居此奇債以傲人風雅何妨近利市吳生吳生且勿喜滿容詩雖佳矣畫未工安得大手筆如高克恭寫作夜山一片空濛濛要令此湖此月涼烟濕翠隐隐融融盡攝無聲一氣中庶幾藏之無價足以睥睨千古雄

故同年平湖錢丈

大登遺照二首

藉甚秋風鳴鹿時人傳江上仲文詩餘杭夜載枕溪話五十

三年夢一絲

夜載見林和靖詩注借文入臨安山即癸酉冬也

脩文名去老經師海月湖風渺渺思佛抱一丁彰善報只今

果見拂雲枝

文晚舉一子歲于夢小名佛抱其字曰永肩今奉遺照來者一丁用杜牧詩

為戚學博

芸生

題先學士珥谷先生遺墨卷

丙寅

數行手澤播遷餘辛苦收藏拾瀋如茗筆真傳松雪派儋翁

前在玉堂書揚風子款年為據鄭小同家學有初枝葉於今

還峻茂階蘭香發正充間

學士諱慶祥康熙己丑翰林入為供奉後以事戍邊筆札盡散矣芸生乃購得所書蘭譜贊難行寶之錢

韓石侍郎題曰鴈波遺意謂書體近趙也學士自署作者之歲在癸巳前距己丑纔五年則當時正在詞館故有第四句而五句又借用揚穀式癸巳人之款以比之取干支遠同耳

禽聲二首效曾茶山

我與青州從事疎不煩便了日提壺也防客至珥罍耻政要

春禽着意呼

春風脫袴此其時小鳥關情冷暖知堪笑十年貧罷後看新

替舊更無衣

時衣袴被竊著新替舊本山谷詩

倦

棟樹花開惱畫長  
簾陰微雨着人涼  
幾家少婦停針繡  
爭得寬皮老眼張

仲夏馥林示病枕詩索次韻

嗟君詞恨恨病味我知之終歲罹於極  
來生誓作醫繁紅消雨片衆綠長  
烟枝繞覺緼袍暖午襟微解時

原作

戚芸生

天地遽廬似微軀偶寄之百年終有死  
四海况無醫貌若禿鷺烏膚同枯樹  
枝寸靈偏炯炯風燭未消時

用前韻題蔣春雨詩卷馥林哀其所贈箋也

便是敦交冊人亡如見之徑荒家莫問  
詩瘦俗堪醫鬼起秋

墳唱春殘舊雨枝  
賸憐珠一一腹痛共吟時

橫湖馬氏有棠棣作連理花圖來徵詩

何彼穠英宛宛垂春風巧結沒人知  
異於田氏重榮樹繪出姬公小雅詩  
行葦愁教兄弟遠此花看到子孫宜  
自家尺布常縫好休遣鄰兒折一枝

題錢生

天樹小照

不染膏粱不應科  
耽吟習畫日摩挲  
前身疑是錢思復  
江月松風收拾多

賦得知者樂水

知者神無滯水哉  
遇有緣澄觀心不競  
游好性寧偏  
方寸逢源活  
千潭證印圓  
洋洋飢可忘  
潑潑趣真傳  
晝夜如恒爾  
江湖即沛然  
濠魚分此樂  
物我適其天



秋陰偶述

不嫻訓應老猶牽頗昧平生客或纏人病無閒調息坐秋陰  
只願撥書眠話當斷處急難續腳踏空來愁易顛獨喜燈前  
占吉課量晴未碍稻花天

九月二日次兒北行二首

為貧垂老別行色暮秋深黃葉如吾面白雲回汝心前番母  
猶送來歲夢何尋

未知製得何地也

兄弟栖栖返登高罷自今

癡兒未知禮病婦亟須醫藥裏商量處書包檢點時能無煩  
老罷每與替焦思覓紙題詩了燈昏字字歎

偕曹甥和兒過合峯園二首

園於康熙間錢氏因廢址重建後割其西偏售於祝曰綠溪山莊豫堂碑石穀

原和坡厚石諸詩老恒集焉其左偏有宋代焦氏所壘峯石及池臺遺跡開在東鄰罕有題識者近自唐侍御併之易命名二十餘年矣合峯者雙峯聯肩而峙靈竒里人呼為和合峯云

划來蜺子滙一葉轉低橋徐步要人伴幽尋非主招錢園曾  
售祝宋蹟始營焦樹石連身活知渠閱代遙

園有石筍  
嵌桐之身

古石璽瓏翠秋花瑣屑紅舊分酒上下今接澗西東倦圃雉  
墻冷荒洲鶴步空

倦圃西面倚城懷家故園曾置小  
舫載崔先公題其繫舫處曰鶴步

眼中賸邱壑小坐

戀哀翁

### 曹王廟菊花會

看菊也休問主人數家鄰圃門枝新斑斑陶令籬邊色簇簇  
曹王廟上陳柳影涼垂秋渡外花光穠照晚湖滑幾番梅暑  
蟲窠捉煞費工夫到小春

### 王貞女詩

女識字父所授父遠游兮母相守有壻翩翩子衿秀遘虐疾  
兮天不佑阿母聞驚欲仆女前白母呼媒來遣媒往而復翼

乃令媒先蒙面登輿壻門就斬哀而入哭尸首哭聲嘶絕呼  
天又君姑舅相向哭貌恟愁大家曄視莫知所救解是時驚  
動兩家鄰衆牽率來觀走且趨闐於壻門則或相踐蹂相侮  
慙滿堂賓客特新姐舊嘆息咨嗟千聲一噉觀者鄰娃鄰媼  
赤腳跣胛或先或後壹不知涕之何從相與出門掩其袖解  
人死倏兮夕晨改薨歸來兮幽燈熒熒待女方為書寄父於  
南海一死罪死罪天降大禍於女女時薨不着體女愚不知  
官家令不知儒家議但聞古有斬哀往弔禮女乃直前而徑  
行自謂行所是今既卒哭自見於舅姑嗟未亡人可死矣念  
女有父母在有壻之父母在且有舅言在他日立兄公或妹  
之子為壻子女有爾許事女身未敢死自今生居沈家裏沒  
為沈家鬼百歲同歸竊與葛生詩人比天之高地之厚父勿

念女而心疚女之專惟父宥三解邦之士大夫聞而起益咨嘆  
不已謂女小弱耳雖識字亦何嘗學乃能倉猝中乎權從容  
中乎禮雖偉男子寧辨此論諸博士上諸提學使使者題榜  
大獎美以彰風教以俟女年及例請於  
天子旌厥里嗚呼若女者可以登中壘之傳而續班姬之史  
者與四解

題查春園詩稿 丁卯

春園人藹藹詩筆入春風師古張水部承家初白翁不矜文  
字怪自洽性情通况得壯游助燕雲際海東春園精形家言此地山川勝概覽之殆偏

海鹽錢弟自秦中學使署歸即送其秉鐸吳興二首

佐幕雲游陝半天陝半天商旅談也潼關西去玉門關山河落手詩囊

重壓得扁舟東海還

碧浪春晴如畫佳勝騎麋馬走風霾冷官合就蘋花住姚雪  
蓬來一咲偕

吳子修欲解余前詩之嘲請揚州寓公宋學正葆淳重  
寫西湖買月圖示余悠然見夜山意趣續有此作

真奪房山筆前詩悔惱公心知禪入畫眼見色都空沉着山  
如睡微茫月在中淡粧濃抹外別現廣寒宮

春分後重臺梅始花

春風振蟲戶雪卧起袁安庾嶺南北枝歲歲開履端花朝矧  
又過潛消九九寒夜雨乳文杏午晴噴玉蘭寵哉蕙多碧灼  
然茶流丹衆卉豔方扇小園闕可觀如何姑射子臨風一笑  
難卻待貌故故何來遲姍姍得氣重英厚失時孤芳單婪尾  
且歸離遨頭孰守殘女貧嫁難早士貧祿肯干退讓近於禮

蹉跎良足嘆，蔗取老頭嚼。菊耐晚節看，象占後或笑。興乘此  
已闌，料能結子否？結必十分酸。三嗅泣馨香，我顏落葉乾。枯  
楊豈生梯，逝波豈轉湍？彼美太遲莫，相逢為不歡。玉笛休遣  
吹玉琴，不成彈。

過梵受禪林作

西北諸水來，潄於石臼漾。迤流入城濠，橋門引其亢。與東南  
滄湖巽辛遠，相望禪林當。橋左濠水交，門向古名資。聖寺寺  
以唐宣創，重光順治初。榜題諒非誑，在殿有金之後書額并跋今呼梵受庵。

嘉名誰所貺，門橫有額存。無款字道上，惜乎壞墻根。片石土  
苴葬，殿閣尚歸然。黯冷淒梵放，僧事待緣興。非急務所尚，此  
橋實關鍵。水利民生仗，想當設柵初。柵口宣流壅，胡然築成  
堰。偵哉妄徒妄，地脉開以傷。水性激而盪，有田被汙萊。幾年

受凋喪幸及元明間智者善形相斷堰以為橋此舉真了當  
如腸去癥結如眼去翳障順軌安乃長五百年無恙又知誰  
之功柳志失詳狀柳府志但云堰今通有橋而不詳其由笑俗并一談橋名於義妨沿  
為柵堰橋久矣小竹共僧話春風偶相訪未厭津市喧且樂郊煙曠斜  
陽織帆影遙夜飄漁唱

何二文學松桂讀書圖二首

疎松奏出玉笙細叢桂零餘玉露香暢好讀書秋樹下南阜  
老屋有巾箱君家舊有南阜草堂孫大山題

惆悵南園桂已薪鶴洲松竹也成塵十年補樹光陰短老嬾  
溫書作廢人

陳新畬小影三首

讀畫圖持卷背坐者

絕妙畫中畫無聲元又元默默背人讀如叅面壁禪

尋詩圖 獨立沉吟者

覓句雲霞際遊心造化初不知今正字撚斷幾莖鬚

詩思雲霞際  
僧文兆句

學書圖 伸紙揮毫者

撒去空中雨行來水上風學成指非指滿幅雲從龍

自題小照 有引

舊有科頭小照未佈圖也丁卯五月同人飲小軒既醉戲要  
祝二如叅軍寫古梅歌曲勢置身花間體格奇雅微聞客有  
謂曰夏蟲不可以語冰如何脫帽看梅花耶因題五六七言  
疊韻三絕於上既解客嘲且以美祝末乃興吾感云

獨坐古林下滿身花影乾主人剛被酒露頂不知寒

玉笛聲聲不落鏐枝如雪苔乾湘妃危立蛟脊五月風生坐



寒

人壽料無梅樹活我顏早比菜花乾自搔禿鬚自摩頂更待  
婆娑幾歲寒

即夜二首

雨餘新浴兔妍華綠淨荷盤百淨花小揭簾衣扶病出清光  
坐到玉繩斜

仰看星河手撚鬚病翁小立倩孫扶嫦娥終夜搗靈藥乞得  
長生一粒無

秋陰久矣榕園以八月十五冒雨過詒安堂適余劇病  
未起榕園偕兒輩鬥韻過夜分因記丁巳秋聯吟事  
有作

破蓑衣樣幾缸蓮涼雨涼蛩又十年人會不期今夕至月光

偏欠這回圓病夫愁喜循環動歲事祿祥閣枕懸擁被孤吟  
沉夜析未知鄰刹曉鐘連

柘湖屈文學

為章徵題

夢草圖懷故兄儀部君作也

人數荀龍仲也亡每懷兄弟夢池塘詩情寫出桓山痛騷怨  
繇於楚水長鸚鵡湖頭風雨冷鵲鴿原上墓門荒儂家亦有  
紫荊樹老去愁聽斷雁行

家况沒六年矣

哭鄰初

豈知窮促命夫婦六年亡一瓦闌天覆雙雛啼我旁溫溫親  
克順汎汎友偕臧舊侶相追話塌然摧肺腸

語溪十八老人會詩

勞怡亭翁屬題

一千四百春秋富新集朋簪各皓然天降壽民逢壽世里沿  
崇德識崇年花朝月夕風光占

會以二月十二月十五為期

僧帽儒衣觴詠連

會方外二人

休笑蹒跚今鑿齒春游鶴步已能騫

勞翁墜車折足養之三  
年今乃不藉扶筇矣

題芋坡從祖為沈翁寫八分千文冊

有引

沈奉宜翁謙謹有文為桑菽甫先生高弟子惜乎終躋童子  
場嗣君乃以乾隆戊子登鄉試乙榜越丙申與余相遇都門  
知贅而家焉厥後莫識所歸閱此覺慨然蓋冊已售人轉書  
估手而來重是家從祖芋坡先生遺墨因欲弃焉從祖寫冊  
時年已六十有六余今得而跋之年乃七十有七矣回思弱  
冠隨侍問詩法宛宛如昨又能無默自慚耶嘉慶戊辰春分  
日休度書

小冊東陽夙所藏墨花零落規池浜

沈所居

八兮字字元和腳

蝶窓前舊夢長

蝶窓前舊夢長  
額白蝴蝶局

中丞阮公重題項氏孝友堂額并復項襄毅公舊宅為

祠舉行春秋官祭補紀詩二十六韻

古封沿姓系宋代肇家聲鴻筆真夫子雁行難弟兄

宋結定間真西山為

項學士相暨吊棟撰孝友堂記見舊志

友于歡克盡鄂不豔交呈學士嘉猷著隱君

素履清本滋昌奕葉末盛啓簪纓詒厥常安利食其遠報亨

胥塘縣舊派長水鬱佳城

項家港我祥墓在長水塘西

才挺嶽河秀器推邦國

楨驅羊多豚筭擒虎出奇兵西土宣威大東宮晉秩榮駟門

高在後貂服顯於明府闢靈光里堂仍孝友名誦芬衍先澤

遺愛叶鄉評閱世邀

宸鑒巡方荷

寵旌宅荒梁月冷庭閉蔓煙生傍榻狐狸睡穿墉雀鼠爭窟

從逃兔入轍有怒螳撐坐樹人將拜彈碁局不平中丞來秉

鉞直道主持衡憑弔冶城墓

即卞忠貞墓用宋曾極金陵詠

申嚴柳下瑩判書山

重壓題字榜重華

公自跋云乾隆十六年

翠華南幸有詩云西山作記無多許

奉先澤巡撫阮元為重題其額

廢墜修羣祀彰輝示庶民

中丞咨部以宗岳忠武王祠之在嘉興者暨明項襄毅公先文恪公姚尚

書公沈少司馬公諸祠舉行春秋官祭又飭查明名臣墓如上諸公并呂文懿公墓先尚書公墓徐太僕公墓各廢塋域今有司管料商孫守護歲報為例

宗祠光

綽楔歲典潔牢牲勞定勲宜表恩施感匪輕聞風輿論快觀  
禮士心傾衰朽慚無學長吟愜懷并

漢元延銅詩

吾里故黃明府本誠物今出售矣詩以存之

古銅三斗銅純碧如翡翠有文二十五陰縵小篆識

文曰長安共厨銅三

斗銅廿枚第廿重十五斤

八兩元延元年十月造銅為銚之屬駿鬲同一類又名無足鐺蓋

亦溫酒器造自元延元長安天厨實同造三十枚枚各有其  
次此特枚之一明徵第廿字他酒器稱是數定不昧紀代閱  
幾滄桑物華光莫閱黃侯宰新鄭獲此於所治新鄭去長安  
千有餘里地乾隆溯元延歲約二千記古物觀者希傳榻題

詞費曹君博識家

種梅翁黃感也

舉一證其例謂有綏和壺出土宣和

世載在楓窓牘同為新鄭事造壺與造銅紀元僅隔四泛覽

資游譚抗懷動深愜是時漢祚衰辛酒

二字見漢成紀

乾坤醉酣舞皺

仙裙廣袖唾花清甘酒嗜音戒渺兮弁髦棄銅口拱月圓銅

字畫錐利昔也埋糞壤今者襲錦笥遭際亦靡常顯晦偶然

值太息小物留延陵水土做讀欸如讀史可申酒誥義摹比

豐刑圖陳作賓筵肄

閏五月十六曉枕聞雨作

諺云上看初三下看十六

拍拍平圩水沒田橋門早礙有蓬船祈晴欲毀丙丁帖嗟潦

已成甲子年若使今朝仍洒濯必然半月又沉縣可憐地下

臣蟣蝨稽首鶴神願上天

題曹文學

言純

水南村舍圖即送其出門

臨濠一帶城之股以形喝砂界水府濠南為舍舍南湖湖似  
銀潢秋案戶東坡曾傍鴛鴦宿中有湖洲圓似鼓水融土結  
非落星其浮如泡小如乳向來詩客耽幽棲往往尋盟鷗鷺  
許木成道士種棋翁各就水晶宮結宇

前輩張徵士博山有秋水閣故人曹種棋學博有澄鮮閣並在

上股及子風流映後先合教鷺鴨比鄰數千絲晴散綠楊風一  
堆煙裏紅樓雨圓菱角產餛飩樣野荷花亂了又渚初陽爨  
動雲生灣秋水蘆明雪搖浦東橋西港瞥衝帆推去板來交  
唱櫓水鄉之樂樂不支漁弟漁兄隨笑語衆鳥有託吾有廬  
驅我去者飢所苦故國煙波付夢游平生汗漫嗟予汝無田  
種水亦生涯歸日同商芟荷譜

文學近自號種水

送雲陸編修還館三首

白髮歸休十二年送君三次入長安搏扶搖上心霄漢報

國文章要不刊

相馬豈惟別牝牡品泉湏識辨淄渑懸知藉手掄才日人見壺心一片冰

幾何窮到星辰遠轉借通於聲韻微此去更誰商舊學思君

清話玉霏霏

雲陸深於歷衆聲韻之學

孝節張壽母王太孺人輓歌

為嗣君面  
稚上舍作

清河之嫡病心悸方造持家家得替孝於君姑順於嫡撫嫡  
出子牽衣戲夫君從容位乎外舉家安之无不利天乎中歲  
棟撓凶突如其來焚如棄老姑煢獨兒零丁剥床病婦加之  
厲此時少婦飲血摧肝肺黃連咽住心頭苦護姑護嫡護遺  
穉騷騷成禮慄經營跼跼銜哀煩頓寘痛定思痛死不難天  
乎此擔區區昇永肩一心事如初上堂入室婉承意孝思蒸



蒸日月餘慈顏姁姁芝蘭翠君姑鶴髮環孫曾天錫九旬見  
五世娣留繼繼彌留語嫡也考終備恩義辛勤教家如教稼  
乃亦有秋乃倉積歲歲親澆寒食酒白頭扶杖松楸淚苦節  
之貞督井深報以所生得賢嗣潔身奉母循陔養儒雅彬彬  
瑚璉器率衆起居有孚吉長春九九春暉麗樂哉花甲萊衣  
人五字乃昨歲酉  
推自署之驗晨夕親鄣心克類鶴湖霜冷風雲變劃落婺星  
光墮地錢塘學士長淮筆貞后流芳人所企梁學士山舟  
先生有傳女宗起  
化後必昌靈承善慶風之自君不見清風涇水往復來來往  
傳聲傳似置張世居  
涇上

戚馥林自喜連年劇病得愈改號曰餘齋今以冬至至  
後一日六十初度令嗣出所藏畫件徵同人題詩為  
尊甫壽余分得孫雪居寫生卷走筆副其請畫雜詩

亦雜不成章也

天地之大德曰生生氣洋洋育萬物如橐之鼓如籥鳴人身  
小天地稟氣以成形萬千竅無一息停苟得其養病者以更  
生壽者以長生此氣散殊品類咸亨卯胎濕化蠕動跂行以  
至無知倒生者靡不圻甲而由庚各遂其性以効其靈畫家  
有心精運之十指間拂拂生氣縈落紙形形色色萬象呈試  
觀漢陽太守寫生卷物物各異態種種自敷榮桃結千年之  
實芝擢九莖之英柿品稱其有壽菊益取其延齡竹報平安  
令公喜梅橫冰雪獨我清諫果有味美於回猗蘭無言德惟  
馨楊梅淺紫枇杷翠冬花夏結物候更山筍有尖菱有刺香  
櫟團團磨角棱荔十八娘海棠婢梔子打結同心并玉蘭如  
玉然如筆誰歟狀物分錫名駕鵞浴紅愛水鏡羸蜺帶青脚

水萍狸來撲蝶毛忽監蟹非捕蚤行自橫河豚乳羨江鱸香  
海螵螯巨海蝦蛄別有英山石含皺瘦紋泗濱石作玲瓏聲  
六合石養斑斕色窓明几淨盆水盛衆生靈蠢不同情獨有  
佛手監一指示現不生不滅之光明寫來活潑潑相天趣真  
我欲倣金華詩伯演作演雅句難成餘齋主人有夙根學得  
蒙莊養生訣養其大體沉病醒閒來讀畫自知益觀物之生  
四字雪居自署卷首也觀我生熊伸鳥脰微得力化機息息叅黃庭攬揆  
日吉逢長至生氣之動方滿盈從今花甲周復周沐浴日月  
骨節輕安得分我粒丹喫與君携杖追義彭

尹川姚翁之沒將舉喪徵及鄙詩因感其家先司城公  
遺事書以輓之已巳

君家尚書公登先文恪榜風節著前朝清門閭里仰二百三

十年兩家沿世講尚書之猶子司城邦憲掌君實司城裔令緒追可想故家賦中露幾人能飭饒舊系半凋零吾宗亦哀蕩大抵固窮難生理笑鹵莽君獨自振拔牽車用孝養既積易為施德心亦克廣緬惟司城績年遠人愴悅頃余脩郡志發潛為推獎當其筮仕初明季正擾攘蒙陰猝被圍逋竄無令長丞哉真不負效死民生仗能存壓卵危功高無懋賞稍遷司南城弗畏折東廠哲人幸有後因而告諸往乞言於搢紳臚舉事實上崇祀躋鄉賢巖宮昭盼嚮尚書有家祠官致春秋享今以司城配風雨交靈奕瀾瀾石臼漾祠屋儼新敞卅千金費此舉誇鄰黨無財豈可悅美哉光泉壤數典嗤籍談述德有任昉宜登歸厚錄以俾後生倣

陳甥觀圻屬題桐江雪權圖思澁不能句戲拈樊榭老

人詞七字湊得一絕

風露皆非人世有，況於滿載玉霏霏。  
江寒避盡閒鷗鷺，只見詩人一舸歸。

挽楊野棠翁二首

六年以長事如兄，記共秋風薦鹿鳴。  
自笑低徊終退鷁，輸君雁塔一題名。

餌丹仙令類生春，憐我飢敝祇半人。  
但願如翁無疾去，崦嵫那復戀斜曛。

集陶題馮文學眠琴綠陰圖

孟夏草木長，中夏貯清陰。  
冷風送餘善，微雨洗高林。  
戶庭無塵雜，欣然方彈琴。  
高舉尋吾契，真想初在襟。  
願盼莫誰知，無為忽在茲。  
取舍邈異境，情隨萬化遺。  
富貴非吾願，園林有餘。

情養真衡茅下氣和天惟澄寂寂無行迹悠悠迷所留身名  
同翳如忘彼千載憂

題亡友蔣明經春雨齋詩集即用集中四十一疊槎字  
韻

嵌寶裝來腹笥磨穿珠傾出背囊斜漫強骨董羹中味時現  
優曇品外花苦憶回溪叅問法獨趨幽徑自成家深談夜坐  
王官谷夢繫梅邊九曲槎

乙巳春錢宗伯公招予與君觀  
梅九曲丙舍連夜聽詩樂甚

集杜訓馥林午日惠鯢魚

白白江魚入饌來教兒且覆掌中盃新歡便飽姜侯德漸老  
逢春能幾回

余不善飲得魚則喜因覆舉一盃與原詩  
不飲意殊是日逢節聊惜逢春句索韻耳

食槎李二首

魯史嘉名肇吳宮揜手拈嘗新吾舌在贏得老來甜

遷地弗能良所珍佛國香來禽驅不了曉夜寺僧忙

小暑前半月寺僧率

五更起持竿驅雀

寄題岳文學小羅浮山館讀書圖

書倉何處頓說在羅浮村常伴歲寒友絕勝秋樹根聞雞人  
卧雪待鶴月侵門此際沈吟到幽香句裏存

濮川董生啓為陳生寫二圖索題

漁莊吹簫

北苑春風筆南湖秋水舩一聲青玉裂驚起夜龍眠

鷗江曬網

菰煙蘆雪間晒網滿沙嘴翬挂笊簍來得非天隨子

聽秋口占

又是盲風盲雨來忙如急鼓尾聲衰年光已覺飄駒影更遣

催人日幾回

奉題亡友楊未孩翁遺照有引

往桐鄉方布衣蘭坻與未孩翁善為翁取開戶著書多歲月  
種松皆作老龍鱗之句寫圖絕工雅歲已巳翁嗣君旋吉文  
學奉遺照屬題追憶乾隆乙未翁自禾特訪余於武林爾後  
不復一見今始展圖相遇臨風搔首能勿愴然

猶記西湖別子雲鬢飄飄風貌故恂恂著書梅里甘容膝求友  
桐江愛缺脣摩詰有詩今讀畫斜川向學早傳薪不聞司諫

箋坡集要侍郎君補綴勤

翁所撰曝書亭詩集注用心最久搜採可謂勤矣顧

猶舉坡公五畝漸成終老計九重新掃舊巢痕及遙知林孫子已致魯諸生等句細疏其  
曲折以証注詩之難如是今家太史詩見近世已有三家注然詩中隸古之隱狎難周知而  
按切時事類如牧翁所舉坡詩之例必待深考者不少倘欲益茲精  
詳非旋吉之細心博識不能善述此事老夫雖沒齒猶將懸目視之

雜詩



蚩人無遠慮近憂不可支一朝臨渴死始悔掘井遲紀婦有  
心人連紡以弄之凡事豫則立目不自見眉早知燈是火飯  
熟已多時

送錢寶甫翰林北上二首

五世敦交舊三傳寶澤光

君家廳事舊顏曰寶澤

非徒誇甲第勿替引文

章陝養家終事達儀羣屬望蓬萊秋色迴目極共雲長

耄矣真難別往哉連有聲澗松寧改節岡鳳要和鳴到漑孫

貽厥蘇瓌子夙成

九重方眷舊早晚被

恩榮

題馮秋鶴為葛孝廉寫讀書秋樹根第二圖

馮翁如鶴凌秋矯畫筆橫空與年老秋林拂散秋烟曉秋容

點出秋毫杪一寫再寫孝廉表十年讀書想了了昔鬚未茁  
今鬚鬢祇見臨風玉樹皎我與翁齒一年小孝廉欲得二老  
偕屬翁設色我摘漆所慚詩醜輸畫好况復哀同靡靡草萬  
一許分勾漏丹起我膏肓補我腦也當健追老馮戲相嬖謂以  
画酬孝廉珍藥之  
贈故余亦戲及之

示兒有引

余五年前為廉兒推子平許以巳巳年巳巳月當除官屆期  
果銓得順天府通州吏目於其行示以詩

升斗區區三命關信乎人者五行端從知飲啄求無益凡事  
行其心所安

小春日重游頻宮賦示諸生二首

六十年前小秀才自嗤髮白尚心孩夏弦春誦已多廢扶杖

彈冠此復來半水碧含池底藻一枝香放嶺頭梅風光簇簇  
看新進獨老形容不稱陪

常苦離家將食遠也從善病讀書荒教於剡曲人相愛政在  
桐鄉或不忘此日慙顏叨領袖諸君努力事文章商量義法  
趨先輩莫門瞠暗時世粧

陳生銑以載書訪友圖索題古體詩會僕病悵悼以應  
詞蔓不成體去古遠也

鍵戶以獨學難免寬聞虞出門事求友難免學殖疎二者不  
可兼安得熊魚俱計惟舟楫利一艚可五車一念可千里命  
駕任所如所載恣搜討史雋而經畬所訪天下士見實聞不  
虛或驪一夕詰勝讀年十餘太邱本道廣性愛友江湖鄴架  
所藏富又愛古為從天清風日美乘興坐飛廬兩舫山水影

展卷綠上鬚詩所謂伊人得毋在菰蘆三復停雲篇庶慰飢渴歟偵哉張思光小船牽岸孤亦有耒陽老衲枕移晚途舟居非無水未極浩蕩娛何似今同甫獨來獨往乎自覺風流賞肯遣風月辜堪笑正字翁開門真乃迂僕今病廢讀籤帙從飽魚傷往晨星沒寐若枯禪枯四海無故交半榻無完書偃偃復悄悄披卷徒增吁思叩貫虹舫一瓶幸借吾

庚午元日寒甚午枕用游類詩韻口占二首

憶着搖籃一夢繞

搖籃裏太公未諺也

茲晨羅立有孫孩春逢元旦百年

幸我及今生三度來

舊有百年難遇歲朝春之語三度謂雍正甲寅乾隆壬辰及今嘉慶十四年也

白墮未消深

臘雪黃香且掃去冬梅若由新宅

去年情屋後所題額

懸先像瞻禮稍親

色笑陪

背曲膏痠晝據床今年奇冷破天荒吳田無恙豐將赴燕炕

如人煖不忘南北候殊潛欲轉陰陽道浸見而章邇來南方間歲寒如北地北京

間歲熱如南省豈列子所謂陰陽之道浸者然歟

弱魂香渺歸何處猶記冬閨學母粧余卧慶先為亡女室

題錢西莊自書廣陵竹枝詞冊三首

平生不作揚州夢來往江關一葉過卻咲那溝泥水濁幾曾照見月明多

那年風雪上平山寂寂梅花細雨斑十里虹橋空宛轉更無

一舸泊蘆灣憶庚辰元旦之游所見如是蓋於今五庚矣

誰家款乃唱新詞學得風流杜牧之除是淮南美年少坐圍紅袖寫烏絲

題施少峯宿草吟二首

何處西風一笛橫使人感舊不勝情吟成幾闋清商怨寫盡

哀蟬落葉聲

讀向秋燈風雨青其聲嗚咽似騷經  
便應譜作幽蘭搽彈與鍾期故鬼聽

泛舟看菜花

晴野鋪金色春波逆水香氣蒸黃海  
濶草護碧雲涼花直銜盃賞根知齧  
味長小園鉏幾稜供得老夫嘗

陳玉聲六十徵詩四首

小住柳灣三十春  
騎閭談笑有西鄰  
逢君飲社不拖杖  
更藉扶持到半人

諺云無價鄉鄰寶  
守望關心夜柝催  
犬熟不禁穿戶入  
雞飛自喜過牆來

滿塾生徒師道尊  
說書不倦舌瀾翻  
閒中尙費苦吟力  
一字

推敲向我論

蘄水清芬誦百年

祖翁山範先生  
今蘄水有聲

力耕遺硯一經傳會看老鳳將

雛鳳騰踏青雲接武前

今嗣文學  
有美才

追痛順甫文學之亡二首

誰信陰陽墓煞真竟憐才士萎芳春年年流破長生水的的

催成短命人

辛龍子向向來水乃或憊忽斷其墓方  
過水倒流從向直出莫救禍忍言哉

蘭焚玉碎杳難追我欲申申詈葬師須為明妃論延壽莫將

輕罪恕庸醫

新溪翁烈婦詩二首

婦年二十四  
後夫六日亡

絕粒從夫死芳年授命難五朝衰經送百歲錦衾寒

悠悵新鬼哭嗚咽新溪送綽■戟於墳甘哉同穴夢

吳二以所收杭州汪氏復園雅集唱和詩畫冊屬同人

題詞余負諾久矣春暮病中閱樊榭山房集有丁卯  
復園送春詩又有戊辰題汪復園亭角尋詩圖作因  
觸鄙懷遂用其送春韻成一律以報吳

春去病留愁怎寬讀傷春句使心寒屬詩有白髮傷春別更難之句脉遊如奕更

番了故紙流塵收拾難東觀新詩添綵筆冊中有穆門敬身樊榭江聲壽門董浦澤石諸老翁

以下二十家詩梁蕙林太史在焉今山舟學士時甫冠相隨替太史寫詩蓋乾隆甲子事也越六十年學士為吳二題冊因有讀畫又達今甲子憑閣無復舊庚辛之句

園荒草沒雕闌吳二初訪其處猶見斷橋殘柳比再往并無存矣喚他亭角尋詩鬼何似生

前一醉歡汪素嗜酒

### 偶成二首

起來日影乍惺忪道是高春已下春昨夜觀窓天不亮烏啼

過後睡偏濃

也待將心合眼存欲眠無賴雨聲喧拈書更擦模糊淚撥落



燈花看幾番

初晴扶杖候園扉

雨多人似夢成魘晴快天教病返魂一派清風梳柳岸滿渠  
新漲刷柴門栽秧水夠農爭勸量米價輕市不喧從此分龍  
秋免潦約收好比去年論

為葛孝廉

星垣

追題葛翁眄怡書屋圖

有引

翁昔卜居靈光里悅雙樹之峻茂綠陰如水時鳥遞聲春然  
靡已讀柴桑辭句渺渺若寫予懷因顏其屋且繪諸圖以丐  
題者至於今灑灑詩盈卷孝廉乃更以屬余余耄矣焉能詩  
感翁慕陶之意之深也即集陶綴焉冀以稱翁夙志又可掩  
余不能已出之耻云

萬族各有託吾亦愛吾廬敝廬何必廣夏木獨森疎荆扉晝

常閑委懷在琴書養真衡茅下卓然見高枝春秋多佳日冬  
夏常若茲藹藹堂前林鳥哢歡新節回颺開我襟天高氣澄  
澈鼎鼎百年內大象轉四時人生無根蒂此蔭獨不衰日沒  
燭當秉有酒斟酌之

東川上舍索詩有贈

居康僖公裔  
今居新城

鷓鴣水風流詠未衰尚書枝葉衍門才新城新築烏聲樂王謝  
堂前舊燕來

### 納涼戲成二絕

向夕天光過雨青羣兒放學戲中庭愛他牽臂雖孫女唱得  
連連三字經

羣兒爭捕絡絲蟲樹角藤梢繫小籠夜半鳴梭聲入夢老夫  
決耳不知聾

梅道人墨竹卷

前題云墨竹之法執節枝葉而已而葉為至難於此不工則不得為佳畫矣悉見於息齋學士譜中謂須宗文與可下

筆要勁節定勝而虛起一抹便過少遲留則必鈍厚不鈔利矣法有所忘學者當知粗似葉細如竹葉孤生並生如父如并太長太短蛇形魚腹手指蜻蜓等狀均疎均密偏重偏輕之病使人觀觀必使疎不至冷繁不至亂翻已向背轉側低昂兩打風翻各有法度不可一例塗去如漆皂絹然也汝求余墨竹以為法切不可忘我言之諄諄梅道人曰接寫風雨竹六枝題云意足不求顏色似前身相馬九方臯可謂知道者耶梅道人又接寫風竹一枝有歌賦勢題云愁來白髮三千丈戲掃清風五百竿幸有玩奴知此意時來几上弄清寒五月廿四日竹窓歌坐清興過發戲寫此枝且看果有文公法否至正十九年也梅道人余締息前題之前當更有畫竹不知若干枝蓋失去矣今以吳二善鑒家劇愛屬題為賦二絕

雨打風翻顛倒顛寫來意足豈求妍道君最賞梅花句妙在得魚忘了筌

千畝胃中有畫禪佛奴傳後玩奴傳義他八十老和尚猶結

諸孫翰墨緣

道人別有為佛奴作墨竹譜卷末署云至正十年夏五月一日梅道人年已七十一矣又有仿東坡墨竹立軸自跋云梅道人時年七十一至

正十年夏五月十三日書也合而計之則作此卷時正年八十五云

王稼洲秋林覓句圖

火柔暑欲徂金伏候未轉何處忽吹來微風泠然善除惱釋  
煩襟幽人眠思軟秋夢悄獨醒秋懷渺難遣秋山爽堪嚙秋  
林腴待選予緩移步應接肆流眄琴清奏澗泉衣碧滌石  
蘚秋籟嗽於虛秋雲薄可剪觸物引吟緒如抽獨絲繭徑想  
探喉出却乃費鬚撚摩空極其游批卻取其雋得句如得寶  
或秘不自展塵視利名場道笑俗嗜淺君家摩詰詩百世重  
笙典知君句拏香一二能追踐合倩丹青手摹作畫本衍

馮秋鶴翁八十

侍郎碩畫中丞操祗愛蒼生不愛錢

敬述翁家少司空暨晚  
口中丞公兩世清德

清白子

孫坐窮士逍遙歲月得高年自賣青山聊作戲人誇丹訣小  
游仙却憐齒少龍鍾甚敢向洪崖笑拍肩

余少翁  
一歲

題收綸圖

金魚得魚聊願償晚汀風雨却須防喚妻煮了自沽酒醉唱  
山歌月滿船

金母胡太君八十壽詩四首

來嬪大府藻蘋修以禮相莊稱好述詒爾福多受於母均平  
專壹誦鴈鳩

階蘭庭樹盡天生信有人間氣象榮道北道南迎養處琅琅  
滿聽讀書聲

仙種延年菊不凋起居頷應看花朝頭龍季虎翩如許賺得  
西京七葉貂

豔歌豔舞敞華堂阿母雲旗畫下翔便好金陀添勝蹟老寧  
橋樹介寧坊

得曾孫取小名曰七葉郎率成二小詩示後人

我事曾翁年及冠扶携杖履記晨昏古藤枯朽石猶卧文梓

婆娑室尚存

祖居有卧藤書屋庭下英石山子一座橫丈二三尺排峯如筆架藤作歌眼肘柱勢參差覆其上頗饒幽致先王父所構也隔院有老梓三百

年物先君子嘗結斗室於其下

六甲輪回剎一瞬人今比我武夷君

前已巳冬

仰承壽考俯嬰兒七葉蟬聯親見之聊賸詩書新莫繼就哀

門戶木難支保家我亦無他囑且願人人學吃虧

郡西郊重建岳忠武王祠落成二首

辛未

事勢乘呼吸中原反手輕如何偷半壁竟自壞長城休矣刀

鏢望危哉亡首驚建儲終定策差慰盡忠情

忠武於孝宗陰有安策勲否則充檜伎倆盡張

邦昌劉豫之續也此論前人曾及之

五侯均錫類

王五子於理宗朝皆封侯

此地勸農支

王孫鄭侯珂曾權遣嘉興府軍事兼內勸農使子孫回家焉

銅冊

上象金陀隱舊治姓名曾復始俎豆重

讀昭茲按岳氏家譜王十八世孫元聲兄弟

侯寧居偶詠卷下

四

主鑄奉旨二字寶鑄盡忠報國四字背鑄紹興三十二年壬午秋七月樞密司判樂則生造十九字背左右鑄鑄手燕雲誓欲復讐而報國矢心天地尚令稽首以稱藩二十二字即王和我表中語也像側鑄子霖敬祀縣縣永傳八字並賜銅券券辭有朕不遺終始之大義負卿盡死之完節二語又賜銅冊冊文有子四孫一照序封官如標永享血食廟貌常新毋朽朕意等語霖傳珂珂傳規規傳滿滿傳涇涇傳琳於宋元易代間遭亂畏禍奉王像及券冊并鄴侯所鑄鼎彝諸器藏暨山中臨政遺其夫人程携二子歸嘉興變姓為樂璽於外氏金陀者本鄴侯書名後人因以名其居故至元志有金陀坊之目其實岳氏自琳避地海迹於永乙十世迨明萬歷癸未元聲始舉進士登先文恪公榜榜姓猶署樂元聲至其弟樂和聲成進士乃於乙巳歲疏請復姓而元聲旋以丙午歲訪得像器故物於山中遂建祠迎祀撫按會題有案增乎明末祠毀像器皆被盜近有得其一爵送西湖祠者今祠乃和聲六世孫繼奮志恢復以次告成嘉慶間中丞阮公咨題春秋遺官致祭著為今藏玉棲霞近神靈赫下來

來叶

華亭姚茂才家有紅豆一本自吳門惠氏移栽歲久始

結子今且高二十尺矣圖來徵詩聊賦三絕

遠自海南產近分吳苑枝十年種嘉樹結實未為遲  
如豆不教食如珠不可穿櫻唇憐小小杏乳愛圓圓  
若箇善思男號汝相思子珍重寄所歡儂心向千里

又

何許相思意最濃  
年年一樹染秋風  
垂虹亭下吹簫客  
老去無緣見小紅

書田上人寄眎舊作郡字韻自述詩諸君依和者衆矣  
余耄荒不能繼聲念上人有定力阨窮而不怨為難  
能也勉次一篇續於冊

我從挂冠雁門郡  
歸向南湖洗塵溷  
渚月久沈載鶴舟  
林煙空散棲鴉陣  
湖曲詩僧酷愛吟  
與論三昧解迎刃  
獨露堂前來叩扉  
鑪香茗椀時一進

時上人住碧光菴去與雲師獨露堂額尚存

漫題偈句話素心

各歎行藏搔白髮

余有題楹帖云湖光碧池光名明月照來一樣圓身不壞法不壞雲雲留下三字匾上人謂得禪意

老懶常

須藥物親病煩却厭詩書近未卜他生揚子雲  
焉得平生劉子駿  
師乎不作衣鉢謀  
作詩供佛為本分  
豈知晚卧半間雲



野片荒津杳無聞聞上人近於毛家渡之孤菴住一間屋躬爨汲而已師或觀空甘自了我求知死苦莫訊游魂為變奈何許倘得師言我所印

同年霍峯州刺史楊蔭軒屬題詩彙三首

想得金華詩派傳寫來好語似珠穿旌陽風月收多少分管

溪山十二年

未即用彙中留別分寧士人句

吏隱山中更起謳民淳俗儉霍峯州一時楚匪紛如蟻刺史

無勞勸買牛

時楚匪蔓延獨州民無一人習教者

與兄行年校一歲兼煞雙鳧如鶴輕自笑蹒跚跛鼈樣負筇

那得肩隨行

刺史今八十尚健游

詠小庭一丈紅二首

一串繁英簇絳紗通梢紅欲刺簷牙夕陽影裏珊瑚樹暫倚

闌干五尺斜

幾株離立粉牆東  
襯起花光潑眼濃  
吹倦南風停繡看  
臉霞添映十分紅

嘉慶十五年靈光里修市街掘地得宋碑一方記當時僧俗先後募砌此街一在政和癸巳一在嘉泰辛酉磚文兩面凡百七十有五里中諸君重是七百年之物相與題詩寵之屬朽同賦

已沒靈光井誰知郭五鄉

鄉名不載舊志今見碑刻

政和鑄字在嘉泰署年

詳佛坐新禪院

近僧竹山興修本里精嚴古刹

人趨舊市場未知韭溪水可接五

湖長

韭溪源委難詳余有考在郡志因此碑有自韭溪揭起工之語湯及之

偶檢舊橐瑪瑙觀記畧一首系以詩

周三百里山水窟  
亂後於今生聚喧  
始信承平開闢廣人閒

到處有桃源

附錄瑪瑙觀述畧去穀城縣治二下四十里有地曰瑪瑙觀乾隆十九年設巡檢司於此巡檢所轄周三百里盡佳山水也山水多不知名其知者

山之曰山又有曰鷹山曰白雲洞曰仙女洞曰溫地曰將軍坪曰梅溪曰溫泉奇峯邃壑幽澗激湍野卉山葩珍禽異物靡不有山氓淳朴太古無欲虞攘竊事其山螺旋而  
入向不通鄰境張獻忠由蜀入楚鑿山取路今西南乃有間道可達蜀其赴縣有水陸二  
路水流迅駛半日即達惟水底共石如劍戟墜者輒趾踵當明季村落富庶自獻忠盡殺  
山中人數十年無烟火康熙雍正間漸開治今各山散聚有八千戶仙女洞者獻賊兵至  
時有少女避入洞不知所之後相傳成仙故廟於洞構廊廡他州縣祈雨者不遠數百里  
而來歲廣辰山中旱巡檢司朱君禱焉至第一洞洞口若以數張吻狀蛇伏而入有一潭  
圓如盤狀約周數丈繞潭行至第二洞稍高可俯躬入又一潭圓狀如前而大倍之又繞  
潭行至第三洞洞有天然石蹬拾級而上地益曠潭益大冷沁骨不可忍前睇路窈然  
衆謂當於此取水朱君乃以所給小罌投潭取而出初入時入皆持炬及每進一洞則豁然  
然開朗林壑水石別成仙界或言有路可更進至第十三洞則抵蜀矣朱君既出至廟  
炫視水滿罌衆莫然曰休矣焉用為訝詢之則曰水以少為貴水益少而益遠若滿罌而  
無日也然則奈何曰是宜卜於仙許再取可再往朱君乃益齋肅擲筊於仙女前吉比再  
取水至則罌底纔半寸許僉曰五日可得兩設壇供罌於案祈之至期果大雨是時天烈  
甚壇內巨缸每日涸數寸而罌底水經五日如故土人又言若禱者稍弗虔則水在罌者  
或一瞬而乾而必不至或赤日中見樹梢挂一水鐸衆復肅心虔叩以罌盛之則冰鐸鐸  
然落於罌而為水雨即至其神異如此白雲洞者遠望若山頭挂月常時不甚顯天將陰  
則雲蓬蓬從洞出將晴則洞朗然露山石層層皆透可觀洞背之天既晴却無復觀矣有  
人曾至者見洞有鎗炮諸物疑獻賊所遺鷹山以形名石勢高展若兩翼摩天然將軍坪  
或云由獻忠名或云有石狀如一人披甲戴冑者梅溪沿溪有梅十數里白首人言曾產  
異梅黑色香甚一年開花一年結實軟相間溫泉可浴能去疾有一弁及妻妾皆染瘡輒  
赴浴泉之主人不勝援今毀其浴室而賃人造紙矣溫坪即以泉得名又一暖土中產自  
然銅形方而小長者不滿寸色體無異銅擊之火星四出投火輒化而無灰山中花鳥類  
其辨鳥之小者如粟大成連屋至尋丈皆五色陸離錦雞吐綬飛逐成羣礮獵出沒山洞

或下庭樹戲不避人虎豹準則聞亦從不避人黃羊大如驢身黃而尾黑所食鮮果四時  
不絕雖免狸麝之味無論已每冬今遇冰雪則山間樹根樹枝一一為所裹結望璞  
林玉樹蓋山氣上通使然其實所居不甚寒也朱君名映吾里人瑪瑙觀之有官自君始  
宦十一年而歸又十五年而余遇於武林述之娛妮適果若朱君言詢訝且樂矣雖移家  
可焉

病暑劇且久立秋之次曉枕上口占

荷花開落在中庭與我無言自吐馨拾取瓣香浮蓋鼻老夫  
嗅得肺龜醒

小劫憑教付太虛游龜知復變何如一靈自照微同燭且向  
牀頭看命書

又戲成二絕句

榮悴同歸一了期蜉蝣天地幾多時他生願化千年木獨活  
空山人不知

木由千年有盡時化為偃石立如尸要伴青山同混沌更有

何人戕賊之

家太史竹垞先生著書硯題辭

壬申

輪囷大壯者其形渟泓小畜者其精形古而厚精藏而壽德  
產之微含美於醜貴質貴純大圭不剖為席上珍惟君子有  
有之似之是以千秋不朽

附跋一首 休慶少聞諸曾大父長聞諸梧巢伯各言家太史公著書硯形製特異  
蓋不欲自託於尋常石品謂物之近人情者非其至且使作偽者易冒也乃後來輒有  
摹其像仿書其銘刻諸他石以售人者或因其筆畫近似而琢之不知品式平平無奇  
非真物耳閱今益久不知原石所歸嘉慶十四年吾禾許人曹文學言純客廣陵見此  
銘而購之猶以人言之也請余定其真贋余觀其狀雖圓遠方動容尊嚴與峭欒峭邊  
緣凹凸純任自然面有窪作天然小圓池注以水宛然一泓泉也受墨履寬平大圓暈  
暈外石紋抱如雲縷背則歧作兩峯右突而斜出左銳直而短兩峯間豁然成凹其下  
迤廣如山麓中刻公像惟肖戴笠稍仰右以左手撫膝屈右足而坐像右刻銘隨石勢  
作參差七行北垞南垞一行北中有原書亭空一行明無四壁八萬卷家一行肝膽  
鼠銜薑蕪餘魚壯而不行學老著書一知端州石晨夕一行心相於審歎象授孫子  
千秋名身後事一行丁亥三月初日秀水朱晏壽一行丁亥為康熙四十五年公時七十  
九矣作小諫精雅不苟非做書所及其銘藏本集固世所讀也峯突起處有他山老人  
銘亦參差刻文曰不雕不琢還返於樸日著書字字奇璞惟此佳硯先生先覺置之  
几席如對喬岳歎稱後學直隸行敬識行押書硯匣面刻有厲樊榭徵君跋乾隆四年

題曹君述舊者言此馬氏小玲瓏山館所藏馬國徵君歲歲居停者其流播蓋有自云  
余諦審畢三復二銘恍然於先曾大父及伯父之言之不與喜真現之出世不覺舉手  
拍曹肩曰幸哉幸哉此祖石也此少陵詩中平詩伯之巨璞也或獻疑曰現誠瑰異矣  
然銘中不言其狀何歟余曰有說焉凡行文必有主腦主腦重餘可畧不畧則生枝葉  
矣即如太史公於記注硯院硯南書房硯此三銘者皆不言何石何狀蓋重於所用  
非物之重也若夫著書本千秋事重矣又須說得親切故述亭狀自家用所搆也記卷數  
自家所聚也念白髮滿頭將寫自家象以授自家孫子一銘之作何等語長心鄭重而  
暇論石為雖然細繹銘句石狀固在其中曰端州以著其產曰一泓以寫其形蓋必天  
然石子乃有天然池乃可稱一泓昔米襄陽有一泓泉硯用來恰好乃今里人所藏  
及厲跋所稱他處見者並是長方硯夫長方硯則必經匠氏斲削而成豈得有天然一  
泓池耶即此可定彼紛紛者之悲廢石矣況此硯獨有查先生銘為左證首稱不雕不  
琢顯非長方式也結云如對喬岳則石品之貴與太史物望之隆盡見也匪惟銘辭簡  
古高渾直使後世雖有黠者窮於作為不亦善哉曹歟然起曰聞翁所辨實獲我心翁  
不可以無言余乃不揣朽拙謹撰題詞一首牽連書此段話非好煩也將以堅曹信且  
示吾家羣從咸知之

### 陶節母輓辭

冰心一片鏡四規千頃聞湖波濯之南村婺星光夜垂垂三  
十六春秋期藐八月兒呱呱遺指皦日兮照鑒茲恩斯勤斯  
斯天知地知兒護持飯真誦佛區區私甘心荆布甘茹

蘇家豐不識鮮與肥因此有果隆隆起子復生孫英英姿生  
三雛鳳是報施含飴弄語舒母眉聞湖汪汪流澤滋 旌門  
光遠有穀詒懷清臺築湖之湄仰玉斚兮翩雲旂靈消搖兮  
又奚悲

縞雲者英石也峯既峻而縞瘦透三兼焉故是奇品在  
南海吳將軍府未有稱將軍故與東海之海寧查仡  
璜先生結交有奇緣先生客吳時見石錫以名將軍  
即陰遣人奉石杭海造先生廬為園安置石以待先  
生歸以供先生奇賞事載鈕氏觚賸近西江蔣新畬  
太史演為傳奇號曰雪中人人益豔稱之其石曾轉  
海鹽顧氏今歸馬橋馬氏圖來徵詩為題二絕

苔衣檻縷骨嶙峋到處逢迎拜石君又是一番湔洗後將軍

得意氣騰雲

石欲言時定降神月明風雨訴前因永為好也匪為報知我  
感同生我人

錢西莊洗硯圖

舊墨洗之盡新墨筆有光即此是心學勤洗功效長洗心如  
洗身銘盤自古湯去惡如去垢釋訓自紫陽心正則筆正不  
踰矩之方意到則筆到神妙追豪芒所以狷修士筆硯愛  
良不屑不潔者聖徒次於狂嗟余老益微蓬垢甘白藏積塵  
封席硯邈邇到文房誓將祛齷齪濯之以秋江題君洗硯圖  
凜乎振羣荒

示家人

病深久與鬼為鄰天壤何爭此半人揺手兒孫休聚哭悠哉



蟄不矢身

猶聲希謦本

拙橐自戊午鐫後間復校改字句  
壬申始刊正故前今印本有不同  
處謹著之以質大雅休度